

Buna sira! Buna sira, me cari siuri!

A j'è v'ist: ist'ani a suma rivà con la steila, i l'ei vista acsì lè ad fora, contra 'l purton; l'unic c'l'ha sufert a l'è Mafè: l'ausì setesi an s'la coua e acsè a l'ha balà an po'.

Ist'ani a festegiuma el 40ennio ad Gelindo. U smèja nenta, ma du temp uj n'è pasà da quondi an t'el 1924 i primi sociu d'l'asuciasion guidà dal Padre Giacinto e dal Padre Daniele j'hon b'üta ansema sta cumedia an dialèt perchè propi t'ucc i pudijsu càpila p'ü facilment. E pasonda j'ani i l'on po ciamai "Divota Cumedia" anche se u smijàva an po' trop perchè, c'me chi sej, a l'è da rej, ma se chi vori, a suma pover pastur. Ma u Signur l'ausì che ista inisiativa, acmensaja acsè senza tonti preteisi, ani per ani la d'üreisa fina ades, e noi al ringrasiama propi con tüt el cor d'la pusibilità cu m'ha dacc ad fè del ben an mès a tonta gent che am amniva a vighi. In grasie anche a sti bravi Frà e sti giuvnot, e a voi del public chi veni semper.

U smeia quasi 'd nent avei facc bon Nadal su s'è nent vist Gelindo.

Noi per la verità ist'ani auvriu piantela lè, ma sti fanciòt j'on d'icc chi voru rivè fina au Centenario! Si voru rivè lur, figürumsi mei! Fra 60 ani però i veni anche voi a la festa. Adès u j'è la congiuntura, ma fra 60 ani la sarà pasaja e na butiglia 'd cul vegg a la sbutigliuma ansema. Ades a duma in ugiada an t'el mond.

Va a savej c'me ca l'è, us pò mai stè tranquil: el caudron a l'è semper an ebulision! U j'è semper cuc d'ën ch'el bufa a suta... Fina a cuc meis fà a l'era ancora an s'el cadrighen el compagno Nikita; u smijàva jën a la bouna c'l'auriva anche lü la pas e la distension e quasi us pudiva tirè avonti abastonsa ben. Ma se chi vori, cui nas sputli di cineis j'on tacà a büfè e büfa, büfa j'on facc piè la custipasion: u j'è füna avnì l'arteriosclerosi c'me Mafè. Certo a l'è malavi fort: u sort p'ü da cà e u smeja c'l'abia fin perdi la parola.

Sti cineis j'on anche lur la bomba tumatica: per ades a l'è ancora an po' bosa ma pasonda u temp a la madüra!

Anche an t'el Congo a la bui c'me i fasò; prüma u j'era i belgi chi tnivu l'uridin, pò u j'è avnì i caschi blu e cui rus a teni l'uridin. J'andavu nent ben anche isi, acsè ades u j'è i patrioti e i ribelli ch'il tenu, però se jën u rabata an mes a is urdin u dev stà atent ch'il b'ütu an urdin bele long.

Noi a speruma specialment per i noster misiunari che anveci d'ancun-  
trè i caschi ad tucc i culur i posu trovè di caschi ad banani, acsè i poru  
gaves la pù grosa, e chi posu continuè la so mision ad ben.

A l'è nent da dì che a cà nostra el robì i vagu propri a gonfie vele. Jei  
vist se ch'jon cumbinà an t'ist giurnà chi a la Camera. J'on duvì ramnela  
per 12 o 13 giurnà ad fila per fel amni fora.

Per mei el pù fort ad tucc a l'era Leone. Us dis fina quondi c'us vigh na  
person-na digurdija, rubüsta: "A l'è fort c'me in lion". Um piativa an-  
che Pastore: su riusciva a j'avu in culega an t'el iouti sferi e a sa sbruja-  
vu d'in cuncurent!

Anche a Lisòndria sta vota j'on anversà el caudron: j'on facc in centro-  
sinistra cu sareisa na mes'ala ma anche ad 'd poncia c'me chi disu ades  
cui chi giogu al balon. A noi per la verità um dispias an po': a j'avu  
ancura in mugg d'aliam da vendi per angrasè el rosì...

J'on lasà però anche degl'ioveri grandiusi dabon: an s'la muntagnöla u  
j'è l'"ocodromo", i sei se ca l'è, a l'è cula bogia d'acqua andò ch'jon  
bütà andrenta cui doi ucon ch'is curu semper adrera. U j'è in acqua  
ciara, ciara cu smeja quasi in laghèt ad muntagna!

Noi a schersuma però u j'è capità anche in aveniment dulurus. U j'è  
mort el Vescuv cu m'auvriva acsì ben e tucc j'ani l'avniva anche lü  
puntualment a vighi la Divota Cumedia e us fava du ariadi. Um smeja  
ancura ad vighli setà là ansüma tranquil e surident.

Ades a piont lè ad fè la predica se no i disi: "per senti na predica anda-  
va an Cesa, a pagava gnent du tüt e im la favu pù bela". Av present la me  
famija...